

UTUMIKI BWATHU BWA UMAMBO

JUNHO 2014

MDZINGA WAKUYAMBIRA PA 9 JUNHO

Nyimbo 24 na Mpembo

Pfunziro la Bibliya la Gwere:

my msolo 32 (mph. 30)

Xikola ya Utumiki bwa Mulungu:

Kuwerengedwa kwa Bibliya: Mwambo 1-5
(mph. 10)

N.º 1: Mwambo 4:16-31 (mph. 4 ayai zakucepta)

N.º 2: Kodi Jezu adapfunzisa ciani bza mkhaliidwe
wa anyakufa?—bh-CN msolo 6 ndime 7 (mph. 5)

N.º 3: Kodi infa idabwera tani?—bh-CN msolo 6
ndime 8-9 (mph. 5)

Mtsonkhano wa Basa:

Nyimbo 2

Mph. 15: Kodi Mwayezera Kale? Nkhani yakucezera. Mwa kufotokoza ninga nkhanzi, bwerezerani mwacigwatho mfundo za nkhanzi zatsapanopazi za mu *Utumiki Bwathu bwa Umambo*: “Njira Zatsapano Zolalikirira M’malo Opezeke Anthu Ambiri” (km 7/13), “Kuthandiza Wale Womwe Wakanati Kukonzekera Kupfunza Bukhu Lakuti *Baibulo Limaphunzitsa Chiyanī*.” (km 12/13), “Wanthu Womwe Timbawapasa Marevista Mwakukhazikika—Mbabwino Kuyamba Kupfunza Nawo Bibliya” (km 1/14). Kumbiranzi abveseri kuti wafotokoze momwe wagumanira phindu mwakuphatisira basa mfundo za m’nkhanizi.

Mph. 15: “Agosto unikhala mwezi wa basa laku-saya kuyebweka!” Mibvunzo na mitawiro yakuftokozedwa na nyakunyang’anira utumiki. Perekanni katsamba katsapano komwe kana msolo wakuti *Tingaigumane Kuponi Mitawiro ya Mibvunzo Yakufuniya Kwene-kwene pa Moyo Wathu?* cezeranani bzomwe kankulewa. Lewani makonzedwe yomwe yacitidwa kuti mumpsinkhe gawo lanu. Taphata mi-nyendo onani mfundo zinango za kabukhu komwe kan’dzagawidwa mu Agosto pa tsamba 8 komwe kambalewa bza mbuto zomwe azinji alibe internet.

Nyimbo 107 na Mpembo

Agosto Unikhala Mwezi wa Basa Lakusaya Kuyebweka! Katsamba Katsapano Kan’dzagawidwa pa Dziko Lense

¹ Kwasala pang’ono kuti yakwane Magole dzana ya kubadwa kwa umambo bwa Mulungu. Mpsaku-

1. Kodi ni kampanya yakupambulika iponi yomwe in’dzacitika padzikolo lense pomwe tinkufendera magole 100 yakubadwa kwa Umambo bwa Mulungu?

funika kuti titumbize Yahova mwa kucita kampanya yakupambulika! Mu mwezi wa Agosto pa dziko le-nse tin’dzatenga mbali pa kugawira katsamba katsapano kakuti *Tingaigumane Kuponi Mitawiro ya Mibvunzo Yakufuniya Kwene-kwene pa Moyo Wathu?* Katsamba ka kambalimbisa anyakuwerenga kugumana mitawiro yawo m’Bibliya ndipo kambafotozo momwe Webisaiti ya jw.org ingawathandizire.

² **Mafala Yakukuwa Mwacitumbizo:** Pakufuna ku-thandiza apalizi pa utumiki bwawo, pacitika makonze-dwe yakupambulika kwa womwe wankufuna kucita upainiya bwakuthandiza mu mwezi wa Agosto. Mka-ti mwa mweziyu, wapalizi wakubatizidwa wan’dzabvu-mizidwa kucita upainiya bwakuthandiza bwa maora 30. Pakuti mwezi wa Agosto una nsiku zixanu za Ci-xanu, Malinkhuma na Mdzinga, wapalizi wazinji womwe wambaphata mabasa yawo yakunembedwa ayai wana wa pa xikola pa nthawe ya basayi wang-adzakwanise kucita upainiya bwakuthandiza. Penu muna pfunziro la Bibliya la kuyenda patsogolo, ayai mwana womwe ankufuna kuhala mpalizi, uzani nya-kubveranisa bungwe la akulu mwakusaya kucedwa. Bzingakhale bzakulimbisa kwene-kwene kwa wanthu wamwewa kuphatana nafe, ninga apalizi mka-ti mwa mwezi wakusaya kuyebwekayu! Napo apainiya wazinji wakukhazikika wangadzakhale pa nthawe yakupu-ma m’mwezi wa Agosto watamala kukwanisa maora yomwe wambakumbiridwa pa gole, bzingadzakwanisike kukonza pomwe bwino ndondomeko yawo kuti wacitembo kampanya yakupambulikayi mwakukwani-ra. Tsapano ni nthawe yakuti mabanja yacezerane momwe iwo wangadzatengerembo mbali pa ‘kukuwa mwakutumbiza Yahova’ komwe kun’dzayamba mka-ti mwa Agosto.—Ezara 3:11; Mim. 15:22.

³ Napo tidatengambo kale mbali pa kampanya ni-nga imweyi , tin’dikhira kuti imweyi in’khala yakusa-ya kuyebweka. Kodi tingathumizire tani nthawe yathu ninga, wapalizi, na apainiya wakuthandiza mu mwezi wa Agosto? Pakuti tamala gole la basa la 2014, Yahova asimbe nyongo ya wanthu wace padzikolo lense mwa kucitisa mwezi wa Agosto kuhala mwezi wa basa li-kulu lakupalizira kuposa lomwe lidacitika kale!—Mat. 24:14.

2. Kodi tingatengembo tani mbali pa ‘kukuwa mwakutumbiza Yahova’ komwe kun’dzayambika mu mwezi wa Agosto?
3. Kodi tingadikhire ciyani pa kucitika kwa kampanya ya-kupambulikayi?

MDZINGA WAKUYAMBIRA PA 16 JUNHO

Nyimbo 111 na Mpembo

❑ Pfunziro la Bibliya la Gwere:

my msolo 33 na mbali ya Gavo 3 (mph. 30)

❑ Xikola ya Utumiki bwa Mulungu:

Kuwerengedwa kwa Bibliya: Mwambo 6 mpaka 9 (mph. 10)

N.º 1: Mwambo 8:18-30 (mph. 4 ayai zakucepa)

N.º 2: Thangwe ranyi pikado ya Adamu na Eva ikhali cinthu cikulisa?—bh-CN msolo 6 ndime 10-12 (Mph. 5)

N.º 3: Thangwe ranyi wantru wambafa?—bh-CN msolo 6 ndime 13, 14 (Mph. 5)

❑ Mtsonkhano wa Basa:

Nyimbo 37

Mph. 5: Kugawira Mabukhu mu Gavo la Wantru wa Bzirewedwe Bzakusiyana-siyana. Nkhani yakufotokozedwa na nyakunyang'anira utumiki. Taphata minyendo, kumbusani gwere bza bzirewedwe bzakusiyana-siyana bza dziko lino na bza madziko yakunja bzomwe bzimbalewaledwa mu gavo la gwere na kuti n'mabukhu yanponi yomwe yalipo.

Mph. 15: Momwe tingakhalire na munthu wakucosedwa. Nkhani yakucezerana yakucokera mu lv-CN tsa. 207-209.

Mph. 10: Pfunzani kuwerenga. Nkhani yakucezerana yakucokera mu be tsa. 21, ndime 1 mpaka tsa. 23, ndime 3, na tsa. 285, ndime 4-6.

Nyimbo 90 na Mpembo

Kugawira Mabukhu mu Gavo la Wantru wa Bzirewedwe Bzakusiyana-siyana

¹ Mu mbuto zizinji, tsapano gavo limbaphatanidza wantru wakucokera m'buto zakusiyana-siyana. Wazinji mwa wamwewa wambapfunza mwakamfulumize ndipo wambabvesesa mwakusaya kunesa cirewedwe comwe wadabadwa naco. Kodi ni makonzedwe yaponi yomwe yalipo ya m'mabukhu yakuthandiza kubvesesa Bibliya yomwe yangathandize mu cirewedwe comwe iwo wangabve bwino?

² **Mukambagawira Mabukhu:** Penu magwere re mawiri ayai matatu yambalalewa bzirewedwe bzakusiyana-siyana mu gavo libodzi-bodzilo, bungwe la akulu wa m'magwereco maka-maka anyakunyang'anira utumiki wan'dzagumana

kuti wapangane njira yabwino ya momwe kathimu ka cirewedwe ciri-cense kan'dzapalizirira. Pakupalizira nyumba na nyumba wapalizi wan'dza-funika lini kugawira mabukhu m'cirewedwe ca magwere manango. Na tenepo, pakupalizira mwakusaya kulinganizidwa ayai pakupalizira m'mbuto zapadeca, iwo wangadzagawire m'bzi-rewedwe bza m'deralo.—Onani pa kwadru ya mibvunzo mu *Utumiki Bwathu bwa Umambo* bwa Outubro 1990.

³ **Mukambakoya Mabukhu:** N'ciyani comwe tingacite penu wantru wazinji wambalewa-lewa cirewedwe cakunja m'mbuto yomwe kulibe gwere la cirewedweco? Pa cakutikita ninga cimweci, magwere yangakoye pang'ono mabukhu yomwe yalipo m'cirewedweco, ninga matratado na mabroxura. Wapalizi wangagawire mabukhuya palipense pomwe wangagumane wantru womwe wambawerenga cirewedweco.

⁴ **Momwe Mungakumbirire mabukhuya:** Penu gwere liribe kukoya mabukhuya m'cirewedwe comwe wantru wangakomedwe kuweringa, kodi n'mabukhu yaponi m'cirewedweco yomwe mungakhale nayo? Wapalizi wangaonane na mtumiki wa mabukhu kuti wadiwi kuti n'mabukhu yaponi yomwe yalipo m'cirewedweco yomwe wangafunikire kukumbira na gwere pa mkumbiro wa mabukhu wa ulendo unkubwera.

⁵ Penu pankufunikira kucita basali mwakanfulumize, wapalizi wangavunze m'bodzi wa m'Komiti Yautumiki ya Gwere penu wangacite mkumbiro pomwe gwere *linati* kucita ndondomeko ya patsogolo pace ya mkumbiro wa mabukhu. Penu bzimwebzi mpsakubvumizika, nyakunyang'anira mabukhu ayai aliwense waku-yikhidwa na iye angacite mkumbiro wace mwa kutumiza e-mail ayai kupfuwira mtedwe ku cipinda ca nthambi. Mabukhu yan'dzatumizidwa ku magwere mwakuphatisira basa endereso yakutumizirira ya nthawe zense ayai ya yakanthawe bzikafunika. Penu kutambiridwa kwa mabukhu yakukumbiridwayo kunkhala usiku ayai kwa nsiku ziwiri, gwere ndiro lin'dzalipira kobiri zakudzongedwazo.

⁶ Tingaphatise bwino basa mabukhu yathu yacikristau mwakuthandiza "wantru wa mkhali-dwe uli-wense," bziribe basa cirewedwe cawo, "wacifika pakudzakhala na cidziwiso caico ca cadidi" wacizapulumuka.—1 Tim. 2:3, 4.

MDZINGA WAKUYAMBIRA PA 23 JUNHO

Nyimbo 109 na Mpembo

❑ Pfunziro la Bibiya la Gwere:

my msolo 34 na 35 (mph. 30)

❑ Xikola ya Utumiki bwa Mulungu:

Kuwerengedwa kwa Bibiya: Mwambo 10-13 (mph. 10)

N.º 1: Mwambo 12:1-13:8 (mph. 4 ayai zaku-cepa)

N.º 2: Thangwe ranyi mpsabwino kudziwa cadidi cakulewa bza infá?—mbali 1—bh-CN msolo 6 ndime 15-17 (mph. 5)

N.º 3: Thangwe ranyi mpsabwino kudziwa cadidi cakulewa bza infá?—mbali 2—bh-CN msolo 6 ndime 18-20 (mph. 5)

❑ Mtsonkhano wa Basa:

Nyimbo 82

Mph. 10: Mabukhu Yakugawira m'Mwezi wa Julho. Nkhani yakucezerana. Mwacigwatho, ceranani bzomwe bziri m'kabukhu komwe ka-n'dzagawiridwa. Citani ciratizo cibodzi ayai bzi-wiri.

Mph. 20: "Momwe Tingathandizire Womwe Wambaneseka na Kuwerenga." Mibvunzo na mitawiro.

Nyimbo 55 na Mpembo

Momwe Tingathandizire Womwe Wambaneseka na Kuwerenga

¹ Weneciro nyumba womwe wambaneseka kuwerenga wangakomedwe na bzinthu bzauzimu, koma iwo wangagope Bibliya na mabukhu manango. Kugawira wantru ninga wamwewa buku lakuti *Baibulo Limaphunzitsa Chiyani*, pakuyambirira caipo, bzingakhale na phindu lakucepta. Kodi tingawathandize tani mwau-zimu? Tidabvunza wapalizi wa m'madziko 20 yakusiyana-siyana bzomwe iwo wambacita. Bzomwe bzinkutewerabzi ndibzo bzomwe iwo wadalewa.

² Penu nyakupfunza ankuneseka na kuwerenga ayai an'dziwa lini, mungayambe na bro-xura ninga, *Tetekerani Mulungu* ayai *Tetekerani*

1. Kodi kupfenzisa Bibliya womwe wambaneseka kuwerenga kuna bzineso bziponi?
2. Kodi n'ciyani comwe cingakhale cakuthandiza kwa ali-wense womwe ambaneseka kuwerenga?

Mulungu ndipo Khalani na Moyo Wakusaya Ku-mala. Mpainiya m'bodzi waku Estados Unidos ambalatiza muntru mabroxura mawiri acimu-bvunza kuti n'liponi lomwe angalifune. Cipinda ca nthambi ca ku Quénia cidafotokoza kuti njira imweyi njakuthandiza kwene-kwene tha-ngwe ra wantru wa mu África ninga mwambo wawo, wambapfunzisidwa mwa nkhanzi zakundofotokoza m'mbuto mwa mibvunzo na mi-tawiro. Pomwe muntru wakupfunzisidwa anga-bvume mwakusaya kunesa kuwerenga nkhanzi ya mibvunzo na mitawiro, njira imweyi inga-citise muntru wamapfunziro yakucepta kuleka kukomedwa nayo. Penu nyakupfunza ambadzi-wambo pang'ono kuwerenga, wapalizi wazin-jji wambafuna kuyamba na broxura la *Bzipsa Bzabwino Bzakucokera kwa Mulungu!* ayai *Mu-nagathe Kukhala Bwenzi la Mulungu!* ayai pina-ngo *Bukhu Langu la Nkhani za M'Bibliya.*

³ **Mbatendani:** Wale womwe wanati kudzi-wa kuwerenga wangacite manyazi ayai mantha, ndipo wambabzikhulupira lini. Kawiri-kawi-ri kuwathandiza kubzibva kuhala wakutsudzu-ka ni njira yakuyamba yakuwapfunzisira cadi-di. Wantru wazinjisa womwe wambadziwa lini kuwerenga wambabvesesa ndipo mbakukonze-ka kupfunza. Walatizeni ulema bwakufuniki-ra, ndipo citani nawo bzinthu mwakuthemera. (1 Ped. 3:15) Iwo wan'dzabzibva kufuna kupiti-riiza kupfunza na kuti nyongo yawo inkukhala yakuthandiza wacikula mwaузimu. Na tenepo mbawatendani na mtima wense.

⁴ Napo penu nyakupfunza ambaneseka kuwe-renga, mulimbiseni kuti ambakonzekere pfu-zirolo. Wapalizi winango wa ku África do Sul wambalimbisa anyakupfunza wawo kuti pakukonzekera wambakabvunze wapamui pawo ayai azixamwali wawo womwe wambawerenga bwi-no kuti ambawathandize. Mpalizi winango wa ku Grã-Bretanha, ambalimbisa anyakupfunza wace kukonzekera, mwa kuwapasa buku lace pomwe wankucita pfunziro kuti wawone mu ndime zing'ono-ng'ono momwe mpsakupusira kugumana mitawiro, ikakhala ina mizere kunsi

3. Kodi ni kuzindikira ciyani komwe kungatith-andize kuhala wakuphata mtima pakupfunzisa wo-mwe wambadziwa lini kuwerenga?
4. Kodi tingalimbise tani wale womwe wambane-seka kuwerenga kuti wambakonzekere pfunziro?

kwace. M'bale m'bodzi ku India ambalimbisa anyakupfunza wace kuwona bzithunzi-thunzi pa pfunziro la m'dzinga wakutewera acikaku-mbukira momwe an'dzacifotokozeria.

⁵ **Khalani Wakupirira:** Bziri basa mabukhu yomwe mumbayaphatisa basa, mba-lungamani pa nfundu yakufuni basi, ndipo mbathandizani nyakupfunza kuibvesesa bwino nkhanayo. Pakuyamba, bzingakhale bwino kucezera-na kwa mphindi 10 ayai 15. Lekani kuyezena kupfunzisa ndime zizinji, koma ndime zing'ono-ngono za mbali iri-yense. Khalani wakupirira penu nyakupfunza ankuwere-nge pang'ono-pang'ono. Bzingamupase mphanvu ya kufuna kuthumizira kuwerenga bwino na kukuza kufuna kwace Yahova. Pakufuna kuthandiza nyakupfunza kucita bzimwebzi, kuli bwino kumucemera kumitsonkhano kuyambira pakutoma.

⁶ Penu nyakupfunza Bibliya an'pfunza momwe angawerengere, bzingapuse kuti iye akule mwauzimu. (Psaly. 1:1-3) Azinji athandiza anyakupfunza Bibliya wawo mwa kuphatisa basa kabukhu kakuti *Pfunzani kuwerenga na Kunemba* mu nthawe zing'ono-ng'ono pa kumala kwa pfunziro liri-lense. Penu nyakupfunza ankutaya mtima, pinango mungamangirire cikhulupiro cace mwa kulewa bzinthu bzinango bzomwe iye wakwanisa kupfunza na kucita. Mutsimikizeni kuti Yahova andzasimba nyongo yace, ndipo mulimbiseni kuti ambacite mpembo wakukumbira thandizo. (Mim. 16:3; 1 Juw. 5:14, 15) Wapalizi winango Ku Grā-Bretanya ambalimbisa anyakupfunza wawo kuwona njira yakufewa koma yakuthandiza, pinango kuyamba na kupfunza ma alifabeto ndipo pambuyo pace kugumana na kuwerenga bzinemblo bzakusankhulidwa, ndipo pakumalizira kuwerenga bukhu lakupusa lakuthandiza ku-

5. Kodi tingalatize tani kuperira pomwe tinkucitisa pfunziro?
6. Kodi tingathandize tani ali-wense payekha kufunza kuwerenga?

bvesesa Bibliya. Kuthandiza wantru kupfunza momwe wangawerengere kawiri-kawiri kumbaphatanidza kuwapasa mphanvu *yakufuna* kucita bzimwebzi, si kokha kundowapfunzisa.

⁷ Yahova ambanyoza lini wale womwe walibe kupfunza kwene-kwene. (Djobi 34:19) Yahova ambaufudza mtima wa munthu. (1 Nkha. 28:9) Na tenepo mun'funika lini kulekerera wale womwe bzimbawesa kuwerenga kuti muwadziwise cadidi. Imwepo muna bzinthu bzizinji bzomwe mpsabwino kuyamba kuphatisa basa. Pakumalizira, imwepo mungacinje muciyamba kupfunza naye bukhu la *Baibulo Limaphunzitsa Chiyani* mucimuthandiza kubvesesa bwino-bwino Bibliya.

7. Thangwe ranyi tin'funika lini kulekerera kuwafunzisa cadidi wale womwe bzimbawanesa kuweringa?

Penu mweneciro nyumba amba-dziwa lini kuwerenga, yezani kuci-ta ibzi:

- Yambani kuphatisa basa broxura la *Tetekerani Mulungu, Tetekerani Mulungu* ndipo *Khalani na Moyo Wakusaya Kumala*, ayai bukhu linango lakuthemera.
- Khalani naye mwakumulemekeza, ndipo mutendeni na mtima wense.
- Cezeranani mwacigwatho, ndipo lekani kupfunza naye bzinthu bzizinji kwene-kwene.
- Muthandizeni kukuza luso lace la kuwerenga.

Iye akayamba kukomedwa na cadidi acikhala wakufunisisa kupfunza bzizinji, imwepo mungakwanise kuyamba kupfunza naye bukhu la *Baibulo Limaphunzitsa Chiyani*.

MDZINGA WAKUYAMBIRA PA 30 JUNHO

Nyimbo 5 na Mpembo

❑ Pfunziro la Bibliya la Gwere:

my msolo 36 na 37 (mph. 30)

❑ Xikola ya Utumiki bwa Mulungu:

Kuwerengedwa kwa Bibliya: Mwambo 14-16 (mph. 10)

Kubwereza bza mu Xikola ya Utumiki bwa Mulungu (mph. 20)

❑ Mtsonkhano wa Basa:

Nyimbo 58

10 min: "Fikirani Mwakusaya Kucedwa Womwe An'funa Thandizo." Nkhani. Patsogolo pace latizani momwe tingayambise mapfunziro ya Bibliya pa nsiku ya malinkhuma yakuyamba ya mwezi wa Ju-lho muciphatisa basa bziratizo bza upalizi bza pa tsamba 8.

20 min: Pfunziro Lapatekha limbalimbisa Utumiki. Nkhani yakecerana kucokera m'buchu la *Sukulu ya Utumiki* pa masamba 27-32. Citani mibvunzo kwa mpalizi womwe ambadziwika kuhala na pfunziro la yekha.

Nyimbo 69 na Mpembo

Fikirani Mwakusaya Kucedwa Womwe An'funa Thandizo

Kutomera pomwe Webisaiti yathu idakonzedwa pomwe, mulewengo wa anyakukumbira kupfunza Bibliya pa internet wathumizirika kwene-kwene. Mikumbiro inango ikugumanika thangwe ra kuyambidwa kwa mtundu upsa wa upalizi. Cipinda ca nthambi cimbamsalira mikumbiroi mwakanfulumize. Mwaciratizo, penu mkumbiro wacitikira pa Webisaiti ya jw.org, akulu wa m'gavo la munthu womwe walatiza kasoyo wambadziwisidwa mkatı mwa nsiku ziwiri. Tsono, relatorio zinkulatiza kuti pambapita midzinga mizinji wantru winango womwe wakumbira pfunziro wanta kuzungiridwa. Kodi tingatsimikize tani kuti thandizo linkuperekedwa pomwe munthuyo akadafunisia? —Marko 4:14, 15.

Penu munthu ankulatiza kaso koma ambakhala lini m'gavo lanu, dzazani mwakanfulumize formulariyo yakuti *Muzungireni Munthuyu* (S-43) ndipo iperenyi kwa munembi *inati kufika nsiku ya mtsonkhano wanu wakutewera*. *Mkatı mwa nsiku ibobzi ayai ziwiri*, munembi an'dzapereka cidziwisoci ku gwere lapafupi na munthuyo ayai an'dzacitumiza ku cipinda ca nthambi mwakuphatisa basa Webisaiti ya jw.org. ya gwere. Akulu wan'funika kumbawona *nthawe zense* Webisaiti. Penu waniwuzidwa kuti wakawonane na munthu winango, iwo wan'funika kuyenda *mwakanfulumize*. Mpalizi ali-wense womwe angakumbiridwe kucita bzimwebzi acitiretumbo *mwakanfulumize*. Penu mulibe kugumana munthuyo pamui, pinango mungasiye mulewengo wanu wa mtedwe.

Kubwereza bza mu Xikola ya Utumiki bwa Mulungu

Mibvunzo iri panyansiyi in'dzatawiridwa pa Xikola ya Utumiki bwa Mulungu pa mdzinga wakuyambira pa 30 Junho, 2014.

1. Thangwe ranyi mtemo wa pa Kufuluka 23:2 ngwakufunika kumukumbukira pomwe tinxusankhula masenzeke? [5 Maio, w11-CN 15/7 matsamba 10-11 ndime 3-7]
2. Kodi cakutonga cakuti wansembe wambasame pomwe wakanati kuperekia nsembe kwa Yahova, cikhali cakufunika mu njira iponi? Kodi bzimwebzi bzimbacenjeza ciani atumiki wa Mulungu wa nsiku zino? (Kuf. 30:18-21) [19 Maio, w96-CN 1/7 tsa. 9 ndime 9]
3. Thangwe ranyi Aroni alibe kulangidwa pomwe adakonza ka mphulu ka oro? (Kuf. 32: 1-8, 25-35) [19 Maio, w04-CN 15/3 tsa. 27 ndime 4]
4. Kodi Wakristau wan'funika kuiwona tani nkhani ya kubvunzirana na kucita malowozı, mwakubverana na ciretso ca Mulungu cakuti Wajirayeri waleke kulowolana na nzika zacilendo? (Kuf. 34:12-16) [26 Maio, w89-CN 1/11 matsamba 20-21 ndime 11-13]
5. Thangwe ranyi bzomwe bzidacitikira Bezaleli na Oliyabe mpsakulimbisa maka-maka kwa ifepano? (Kuf. 35:30-35) [26 Maio, w10-CN 15/9 tsa. 10 ndime 13]
6. Kodi "cizindikiro cakucena cakubziperekia" pa duku lakubvalidwa na mkulu wa ansembe wa Jirayeri cimbatikumbusa ciani? Ndipo kodi cizindikiroco cimbatipfunzisa ciani pa nkhanzi ya kubziperekia? (Kuf. 39:30) [2 Junho, w01-CN 1/2 tsa. 14 ndime 2-3]
7. Kodi Wakristau wense wana udindo buponi pa nkhani ya kuzimbula pikado zikulu za Wakristau anzawo? (Mwam. 5:1) [9 Junho, w97-CN 15/8 tsa. 27]
8. Kodi nsembe za ciphatano zakuperekedwa mu nsiku za Wajirayeri zikhali zakufunika mu njira iponi? Ndipo kodi makonzedwe yamweya yambaimira ciani mu nsiku zathu zino? (Mwam. 7:31-33). [16 Junho, w12-CN 15/1 tsa. 19 ndime 11-12]
9. Kodi wana wa Aroni, Nadabe na Abiwu, wadacita pikado iponi? Ndipo tingapfunze ciani na nkhani imweyi? (Mwam. 10:1, 2, 9) [23 Junho, w04-CN 15/5 tsa. 22 ndime 6-8]
10. Thangwe ranyi kubala mwana kukhacitisa kuti mkazi akhale "wakupswipa"? (Mwam. 12:2, 5) [23 Junho, w04-CN 15/5 tsa. 23 ndi. 2]

MDZINGA WAKUYAMBIRA PA 7 JULHO

Nyimbo 99 na Mpembo

❑ Pfunziro la Bibiya la Gwere:

my msolo 38 (mph. 30)

❑ Xikola ya Utumiki bwa Mulungu:

Kuwerengedwa kwa Bibliya: Mwambo 17-20 (mph. 10)

N.º 1: Mwambo 19:19-32 (mph. 4 ayai zakucepa)

N.º 2: N'ciani cin'citikira infa tasapanopapa? –bh-CN msolo 7 ndime 1-3 (mph. 5)

N.º 3: Kodi Yahova na Jezu wambaiwona tani infa? –bh-CN chap. 7 ndime 4-6 (mph. 5)

❑ Mtsonkhano wa Basa:

Nyimbo 14

10 min: Gawirani Marevista m'Mwezi wa Julho. Nkhani yakucezerana. Yambani na kucita ciratizo ca momwe marevista yangagawidwire, mwakuphatisa basa bziratizo bza upalizi bziwiri bza patsamba lino. Patsogolo pace cezeranani bziratizo bza upalizibzo kutomera kwakuyamba mpaka kumphampha. Malizani na kulimbisa wensene kuyadziwa bwino marevistayo na kudzayagawira mwakukondwa.

10 min: Bzakusaya bza Gwere.

10 min: Kodi Tacita Ciani? Nkhani yakucezerana yakucitida na munembi. Lewani bzomwe mwakwanisa kucita pa nthawe ya Cikumbuso ndipo litendeni gwere pa bzomwe lacitabzo. Kumbiranai abveser kuti wafotokoze bzakugumana nabzo bzabwino pomwe wakhagawira tumatsamba twa mcemo wa Cikumbuso ayai pomwe wakhatumikira ninga apainiya wakuthandiza.

Nyimbo 123 na Mpembo.

Bzidziwiso

■ Mabukhu yakugawira mu **Junho:** Kodi Baibulo Limaphunzitsa Chiyani Kwenikweni? ayai tumatsamba tomwe twacosedwa tsapanopa. **Julho:** Bzipsa Bzabwino Bzakucokera kwa Mulungu! ayai mabroxura ya matsamba 32 aya: *Tetekerani Mulungu, Tetekerani Mulungu ndipo Khalani na Moyo Wakusaya Kumala, Bwenzi la Mulungu.* **Agosto:** Kampanya ya kugawira ka tsamba katsapano ka pa jw.org. Pa nyumba iri-yense citani ciri-cense kuti musiye katsamba kabodzi muciwadiwisa bza Wabisaita ya jw.org. Bzikanesa, m'mbuto zomwe bzimbanesa kuhphatasa basa interneti, mungagawire tumatsamba pabodzi na broxura la *Bzipsa Bzabwino Bzakucokera kwa Mulungu!* ayai mungagawire tumatsamba pabodzi na mabroxura ya masamba 32 aya: *Tetekera-*

ni Mulungu, Tetekerani Mulungu ndipo Khalani na Moyo Wakusaya Kumala, Bwenzi la Mulungu.

■ Tinkulimbisa abale kubwerezza mfundo zakufuniya kukumbukira pa mtsonkhano wacigawo zmwe ziri mu *Utumiki Bwathu Bwa Umambo* bwa Abril 2014.

■ Kuyambira na mapfunziro yomwe yan'dzacitika kumamaliziro kwa gole la basa la 2014, Xikola ya Utumiki bwa Upainiya in'dzacitika mu nsiku zitanthatu zokha, kuyambira ciposi mpaka nsiku ya malinkhuma.

Bziratizo bza upalizi

Kuyambisa Mapfunziro ya Bibliya pa Nsiku ya Malinkhuma yakuyamba mu Julho

"Kodi mun'kumbuka kuti Mulungu ambabva tani na mipembo yathu? Kodi mun'kumbuka kuti *ambaibva* ayai *ambandoilekerera?*" Dikirani atawire. Mulatizeni kumbuyo kwa *Nsanja ya Olonda* ya 1 Julho, ndipo onani pabodzi nkhani yomwe iri pansi pa mbvunzo wakuyamba ndipo mungawerengembo vesi libodzi pa yomwe yalipoyo. Mugawireni marevistayo, ndipo citani makonzedwe yakudzacezerana pmwe mbvunzo winangoyo.

NSANJAYA OLONDA 1 July YOLENGEZA UFUMU WA YEHVOA

"Pakuti Mulungu ngwa mphanvu zense, kodi mun'kumbuka kuti ndiye ankucitisa bzinthu bzense bzakuipa bzomwe bzimbacitika pa diko lapansi? [Dikirani atawire. Ndipo muwengereni Tiyago 1:13.] Revistayi inkufotokoza *thangwe race* bzinthu bzakuipa bzimbacitika na bzomwe Mulungu an'dzacita kuti amalise kuipa na kubonera."

Galamukani! Julho

"Napo papite nthawe ikulu ayai pang'ono, wantru wense ambagumana na mtundu wakusiyana-siyana wa matsoka, ninga matsoka yacilengedwe, matenda yakunesa kupola, ayai kufa kwa munthu womwe mumbamufuna. Bzinthu bzimwebzi bzikambacitika, kodi mun'kumbuka kuti mpsakufunika kuitiriza kuhala na makumbukidwe yabwino? [Dikirani atawire.] Wantru wazinji azindikira kuti Bibliya lingawthandize kulimbana na matsoka. [Werengani Waroma 15:4.] Revistayi inkufotokoza momwe Bibliya lingati-thandizire tikambagumana na matsoka."



km14-06-NYU.MZ
140313